

福建道建寧路建陽縣后山報恩萬壽堂嗣教陳覺琳恭寫

今上皇帝祝延聖壽萬安文武官僚同賚
昆盧大藏經板流通讀誦者延祐二年月日謹題

大寶積經卷第五十二

官

善薩藏會第十一之十八

般若波羅蜜多品第十一之三

復次舍利子云何善薩摩訶薩依趣善巧舍
利子善薩摩訶薩修行般若波羅蜜多故於
四依趣善能具足何等爲四所謂依趣於義
不依趣文依趣於智不依趣識依趣於了義
經不依趣不了義經依趣於法不依趣數取
趣者舍利子云何名爲依趣於義不依趣文
復以何等爲文爲義舍利子所言文者謂諸
世間諸法作用傳習文詞所言義者謂所通
達出世間法所言文者宣示可樂布施調順
寂靜言詞所言義者謂所布施調順寂靜決
定了知無朽壞智所言文者訶毀生死分別

言詞所言義者生死不染徹見法性所言文
者稱揚讚歎涅槃功德所言義者謂諸法性
涅槃無分別性所言文者隨順諸乘建立言
說所言義者一理趣法善通達智所言文者
宣說捨離諸所有法所言義者謂是三輪究
竟清淨所言文者宣說律儀身語意業受持
學處杜多功德所言義者身語意業皆不可
得不由加行尸羅清淨所言文者宣說忍受
瞋恚裁忿惱慢傲逸能行是忍名善文夫所
言義者謂善證得無生法忍所言文者演諸
善根發起精進所言義者無取無捨無住精
進所言文者宣說靜慮解脫等持等至所言
義者滅盡定智所言文者一切聞持諸慧根
本所言義者不可說義所言文者謂能開示
三十七覺分聖道正法所言義者證得菩提
分法正行之果所言文者謂能開示苦集道
諦所言義者於滅作證所言文者開示無明
爲初乃至老死所言義者謂無明滅故乃至

老死亦滅所言文者宣說止觀資糧正法所言義者明解脫智所言文者宣說貪瞋及癡等分行法所言義者謂無分別心解脫智所言文者開示一切障礙之法所言義者謂無障礙解脫之智所言文者開示二寶稱讚功德所言義者離欲法性無為無著功德正行

二卷

所言文者宣說善薩從初發心乃至道場修學功德發起正行所言義者謂剎那心相應證覺一切智智舍利子舉要言之如來所演八萬四千法藏聲教皆名為文諸離一切言音文字理不可說是名為義舍利子是名菩薩摩訶薩修行般若波羅蜜多故依趣於義

不依趣文復次舍利子云何菩薩摩訶薩依趣於智不依趣識舍利子菩薩摩訶薩依般若波羅蜜多故善巧了知諸有言教數取趣義是名為識此不應依諸有言教如法性義即是於智此應依趣又舍利子是菩薩摩訶薩由一法善巧便能修行般若波羅蜜多何

等為二謂識及智舍利子何等為識何等為智舍利子所言識者謂四識住何等為四一者色趣識所依止二者受趣識所依止三者想趣識所依止四者行趣識所依止如是識住是名為識不應依趣所言智者於五取蘊識不安住諸蘊遍智是名為智此應依趣所識味身所識觸意所識法如是了別是名為識所言智者若於內處心慮寂靜若於外處尋伺不行依趣於智不於一法而生分別如是等相名之為智又復識者從所緣境而生於識從諸作意而生於識從遍分別而生於識如是等相名之為識所言智者無取無執無緣無了別無所分別是名為智又復識者

於諸一切有爲行法識所依趣是名爲識所言智者於無爲法無識能行此無爲智是名爲智又復識者有生有滅有住之識故名爲識不應依趣無生無滅亦無所住是名爲智此應依趣舍利子是名菩薩摩訶薩修行般若波羅蜜多故依趣於智不依趣識復次舍

利子云何名爲菩薩摩訶薩不依趣不了義經依趣了義經舍利子諸菩薩等善能通達即如先說所有廣文是則名爲不了義經如是廣文不應依趣即如先說所有廣義是則名爲了義經際如是廣義則可依趣又舍利子何等經中以爲了義何等經中名不了義舍利子菩薩摩訶薩依般若波羅蜜多故善能分別若諸經中宣說於道如是言教名不了義若諸經中宣說於果如是言教名爲了義若諸經中說世俗諦名不了義說勝義諦名爲了義若諸經中宣說作業煩惱惑染名不了義若有宣說煩惱業盡是名了義若諸

經中宣說訶責染汙之法名不了義若有宣說修治清淨如是法者是名了義若諸經中有所宣說獸背生死欣樂涅槃名不了義若經中宣說生死涅槃二無老別是名了義若諸經中宣說種種文句老別名不了義若說甚深難見難覺是名了義若諸經中文句廣博

能令衆生心意踊躍名不了義若有宣說文句及心皆同灰燼是名了義若諸經中宣說有我有情命者養者數取趣者意生摩納婆作者受者又說立有種種受蘊無有主宰如是言教名不了義不應依趣若諸經中說空無相無願無生無起亦無出現無有我無有情無命者無養者無數取趣者及三解脫門如斯言教是名了義則可依趣舍利子是名菩薩摩訶薩修行般若波羅蜜多故依趣了義不趣不了之義復次舍利子云何名爲菩薩摩訶薩依趣於法不依趣數取者舍利子菩薩摩訶薩依般若波羅蜜多故於諸經教

菩能分別諸有宣說不了義經即爲補特伽羅義如是言教不應依趣諸有了義即如性法儀如是言教此應依趣又舍利子復以何等名爲依法云何名爲數取趣者舍利子若有依止數取之見諸所緣法如是之相名數取者此數取見所緣法住性之法性如是相

者是名爲法言數取者所謂凡夫數取善凡夫數取隨信行數取隨法行數取第八數取預流數取一來數取不還數取阿羅漢數取獨覺數取菩薩數取舍利子復有一數取者出現於世利益安樂無量衆生悲愍世間爲諸天人義利安樂如是數取所謂如來應正

等覺舍利子如是一切數取名言如來依世俗諦爲衆生說若有衆生於此言教起於執著如是等類不應依趣何以故如來欲令於彼正依趣故佛薄伽梵說如是法汝等依趣諸法實性無宜依趣彼數取者舍利子何等是爲諸法實性舍利子所謂無有變異無有

增益無作無不作不住無根本如是之相是名法性又復於一切處通照平等諸平等中善住平等不平等中善住平等於諸平等不平等中妙善平等如是等相是名法性又法性者無有分別無有所緣於一切法證得決定究竟體相如是名爲諸法實性舍利子若

有依趣法性之者則諸法性無不依趣菩薩摩訶薩由證入如是門故於一切法依趣一切法性故舍利子如是名爲菩薩摩訶薩四種依趣若有菩薩摩訶薩於此法中能通達者是則說名依趣善巧舍利子如是名爲依趣善巧菩薩摩訶薩爲欲修行般若波羅蜜多故精勤修習依趣善巧復次舍利子云何

名爲菩薩摩訶薩資糧善巧舍利子當知菩薩摩訶薩修行般若波羅蜜多故善能通達二種資糧何者是耶謂福及智舍利子云何名爲福德資糧所謂布施體性福所作事及大羅體性福所作事諸修體性福所作事及大

慈定大悲方便菩薩摩訶薩住福所作諸事業故於諸善根若自若他勵志奉修悉能興起三世積集所有諸惡悉皆發露又於一切衆生所有功德一切學無學所有功德一切獨覺所有功德一切菩薩從初發心廣修諸行得不退轉繫屬一生如是等無量無邊苦

薩摩訶薩所有功德善薩普皆心生隨喜又於去來現在一切諸佛薄伽梵所一切善根菩薩亦皆心生隨喜舍利子是菩薩摩訶薩又復善能隨喜俱生福所作事復能勸請一切諸佛轉妙法輪及諸賢聖令演勝法勸請俱生福所作事復能以諸善根迴向菩提迴向俱生福所作事是菩薩摩訶薩見有未發大菩提心諸菩薩等方便教令發菩提心若有已發菩提心者說法示導教令成熟諸貧窮者攝以財物若疾病者施以醫藥殷勤瞻視恭敬承事於暴惡者心生忍受所犯戒品無有覆藏發露諸過善能除罪已般涅槃諸

佛世尊於一切時常修供養於鄒波陀耶及阿遮利那敬如大師於正法所發勤精進追尋請問於說法師敬愛尊奉猶如事佛有說法會雖去已遠多百踰繕那要往其所聽聞正法無有厭足或有衆生來請疑滯以無染心宣說淨法於父母所承修供養知恩了恩無有變悔積集一切諸清淨福修行建立情無厭倦以諸律檢防護於身身無詭詐防護於語發言和雅防護於心心無譖誑欲攝梵福故為諸如來營構制多令丈夫相具圓滿故積集無遮大祠法會為隨顯相令圓滿故積集種種善根資糧為莊嚴身故捨離憍慢

為莊嚴語故遠諸語過為莊嚴心故遠離一切憎嫉覺慧為大莊嚴佛刹土故化現神通轉變自在為欲莊嚴諸法相故無上妙智善勝清淨為欲莊嚴大法衆故遠離一切離間羸惡破壞語言為不取著一切法故離妄分別令說法者無憂惱故歡喜授與善哉言詞

今說法者無唐捐故遠離諸蓋恭敬聽法爲欲莊嚴菩提樹故奉施諸佛清淨園林爲欲莊嚴佛道場故備修善根無有退轉爲欲淨生死法故不染一切諸業煩惱爲欲獲得珍寶手故修行布施一切珍寶爲欲獲得無盡之財及無盡藏故所愛重物先用行施爲

言欲令諸衆生暫見便起清淨信故舒顏先問遠諸顰蹙爲欲獲得平等掌相故於諸衆生起平等照爲放無邊諸光網故於不學識諸衆生所情不輕蔑又無捨置爲令受生得清淨故常存積集清淨戒福爲令胎藏得清淨故於諸毀犯善能清淨爲欲生於天人中故修治清淨十善業道遠離無知往還進止故於諸教誡無妄分別爲得法財富逸自在故於深奧法性無藏惱爲諸世間所瞻仰故修治清淨增上欲解爲得廣大法勝解故於微少行而不修證爲欲攝受一切福故心恒思惟一切智者爲七聖財得圓滿故於佛正法信

爲前導爲欲攝受諸淨法故於已身命曾無願錄爲諸世間所委任故於先所許必令果遂爲令一切諸佛妙法得圓滿故圓滿修習一切佛法舍利子若菩薩摩訶薩具足成就如是相者是名菩薩摩訶薩福德資糧善巧復次舍利子云何菩薩摩訶薩智德資糧善巧舍利子是菩薩摩訶薩修行般若波羅密多時由住如是如是因緣法故攝取於智是故名曰智德資糧舍利子如是攝智以何等法爲因爲緣舍利子當知菩薩摩訶薩欲無狀倦精進尋求智隨行性親近善友趣諸佛智不趣聲聞及獨覺智於彼善友情無憍慢恭敬愛重如愛大師而是菩薩知彼善友具諸欲解無有少分順智言說而不詰受彼善友者又知菩薩是法器已即爲宣說中無暫斷是諸善薩聞說如是正法資糧相應之行精進尋思方便修習舍利子諸如是相比則名爲智德資糧相應正行復次舍利子云何

名爲菩薩摩訶薩正法資糧相應正行舍利子正法資糧者所謂菩薩摩訶薩具修正行故嗜欲饕餮善能節儉事緣務善能減約言說談話善能遠離於諸音聲善能棄捨初夜後夜無有睡眠精勤修習相應正行是菩薩摩訶薩稱量理義鄭重尋思故心無濁穢

二七

制伏諸蓋故於所毀犯善知出離無有詭詐現除悔故無所追求堅修正行故隨順正法趣向正法俯臨正法於法勇猛常如救彼頭火熾然故勤求妙智無暫休息不處愚暗故無有慢緩不棄善施故遠離憤鬪常樂獨處故宴默思惟聖種知足故不捨杜多所有功

德愛樂法樂故常樂尋求出世間法不思寶玩隨順世間文章呪術故成就正念無忘失故備甚深義善隨行故具足妙慧道隨順故堅固勇猛防衛外緣故內懷羞恥愧莊嚴故隨行佛趣離非智故捨愚癡膜慧眼清淨善覺悟故覺慧寬廣於如是覺無狹劣故妙

覺明顯證現智故舍利子是菩薩摩訶薩所有功德不墮於他於自功德無增上慢於他功德不嫉不毀善修行業不輕業報由如是故具足成滿業清淨智舍利子如是等相具足圓備是名菩薩摩訶薩智德資糧善巧之行復次舍利子菩薩摩訶薩復有智德資糧善巧謂能具足四種施法便得成就智德資糧何等爲四一者菩薩摩訶薩若見書寫如是經典給施葉紙筆墨衆事二者菩薩摩訶薩請說法者演深妙義三者菩薩摩訶薩以諸利養恭敬名聞讚頌稱揚奉說法者四者菩薩摩訶薩於說法師攝受正法無有詭曲讚悅彼意應施是言善哉善哉舍利子若有菩薩摩訶薩行是四種清淨布施當知善能積集智德資糧善巧復次舍利子菩薩摩訶薩復有四種積集無盡智德資糧何等爲四一者菩薩摩訶薩巧能守護說法者身二者巧能守護所有衆善三者巧能守護其所止

處四者巧能守護彼說法者所有徒衆舍利子是爲菩薩摩訶薩四種積集智德資糧復次舍利子菩薩摩訶薩復有四種住持智德資糧善巧何等爲四所謂菩薩摩訶薩於說法者以法住持以智住持以財住持以菩提功德而用住持舍利子是爲菩薩摩訶薩四

言
種住持智德資糧復次舍利子菩薩摩訶薩復有五種勝力能爲智德資糧善巧何等爲五所謂菩薩摩訶薩具足信力爲欲成就信解心故具足進力求善知識成多聞故具足念力令菩提心無忘失故具足定力審諦觀察平等覺故具足慧力由久修習多聞力故

舍利子是名菩薩摩訶薩五力智德資糧善巧之行復次舍利子菩薩摩訶薩復有智德資糧善巧謂具四種清淨尸羅能善積集智德資糧何等爲四所謂菩薩摩訶薩樂法尸羅求法尸羅觀法尸羅迴向菩提尸羅舍利子菩薩摩訶薩若具如是四種清淨尸羅能

善積集智德資糧善巧之行復次舍利子菩薩摩訶薩復有智德資糧善巧能謂具足四種忍法能爲智德資糧善巧何等爲四一者菩薩摩訶薩勤求法時善能忍受一切麤惡非法言說二者菩薩摩訶薩勤求法時善能堪忍一切風日寒熱飢渴三者菩薩摩訶薩勤求法時於阿遮利耶鄒波陀耶二勝師所隨有訓誨頂戴領受四者菩薩摩訶薩勤求法時善能信解於空無相無願之法舍利子如是四種含受忍法能爲智德資糧之行復次舍利子菩薩摩訶薩復有智德資糧善巧謂能具足四種精進能爲智德資糧善巧何等爲四所謂菩薩摩訶薩堅固精進聽聞正法堅固精進住持正法堅固精進演說正法堅固精進修行正行舍利子如是四種堅固精進能爲智德資糧之行復次舍利子菩薩摩訶薩復有智德資糧善巧謂能具足四種靜慮於法修習能爲智德資糧善巧何等爲四

一者善薩常樂行遠離法二者樂獨專一守
靜山林三者常樂尋求神通靜慮四者常勤
修行廣大佛智舍利子如是四種正法靜慮
能爲智德資糧之行復次舍利子菩薩摩訶
薩復有智德資糧善巧謂能具足四種正法
智慧光明能爲智德資糧善巧何等爲四所

二卷

三

謂菩薩摩訶薩修行如是智慧光明不住於
斷不說於常不違緣起信解無我舍利子如
是四種諸慧光明能爲智德資糧正行復次
舍利子菩薩摩訶薩復有智德資糧善巧謂
能成就四種正法無上方便能爲智德資糧
善巧何等爲四所謂菩薩摩訶薩修行般若
波羅蜜多故奉持正法無量聽聞無有厭足
波羅蜜多故隨順世間隨順經典隨順妙法
隨順淨智舍利子如是四種正法方便能爲
智德資糧正行復次舍利子菩薩摩訶薩復
有智德資糧善巧謂能進趣四種法道能爲
智德資糧善巧何等爲四所謂菩薩摩訶薩
以依般若波羅蜜多故具足修行到彼岸道

七覺分道八聖支道趣向一切智者智道舍
利子如是四種正法之道能爲智德資糧正
行復次舍利子菩薩摩訶薩復有智德資糧
善巧謂具四種無厭足法則能善集智德資
糧何等爲四所謂菩薩摩訶薩以修行般若
波羅蜜多故奉持正法無量聽聞無有厭足

爲衆說法無有厭足觀察理義無有厭足智
慧方便無有厭足舍利子如是四種無厭足
法能集智德資糧正行復次舍利子菩薩摩
訶薩如是智德資糧善巧隨遍入於一切行
處何以故舍利子當知布施由智資糧而成
就故如是持戒忍辱精進靜慮正慧亦是智
德資糧成就乃至慈悲喜捨一切善法亦因
智德資糧成就何以故舍利子菩薩摩訶薩
所有發起堅固正行皆依止智彼一切行智
爲前導由是菩薩具大智故爲諸無智之所
歸趣一切惡魔不得其便諸佛如來所共加
護將得趣入一切智智舍利子是爲菩薩智

德資糧善巧之行若諸菩薩摩訶薩成就如是福智二種資糧善巧當知修行般若波羅蜜多故獲是資糧善巧之力復次舍利子云何菩薩摩訶薩念住善巧舍利子所謂菩薩摩訶薩修行般若波羅蜜多故具足修習四種念住則能成就方便善巧舍利子何等爲

四一者於身隨身觀察修習念住二者於受隨身觀察修習念住三者於心隨心觀察修習念住四者於法隨法觀察修習念住舍利子菩薩摩訶薩修行般若波羅蜜多故云何於身隨身觀察修習念住舍利子菩薩於身住隨身念觀察是身前際過咎是菩薩摩訶

薩作是思惟如是身者顛倒業起因緣所生本無主宰無所攝受如彼卉木叢林諸藥草等從因緣生本無主宰無所攝受此身又如館舍所起皆由草木牆塹衆緣所共合成此身亦尔但爲蘊界處等之所攝持而其本性空無有我無有我所無常無恒無有堅住非

不變法我今不應於是身分妄有所計是故我今當以如是不堅之身用質擊身何等身者名爲堅實謂如來身是堅實身我觀是身極爲虛偽要當成辦如來之身何以故如來身者即是法身金剛之身不可壞身堅固之身超於三界最勝之身又作是念我此身者無量過咎之所雜染我當求證離諸過染如來之身舍利子是菩薩摩訶薩以諸覺慧簡擇力故觀察是身四大種攝爲諸隨眠所依窟宅是故我今當以此身爲諸衆生驅役給使何以故譬如世間外四大種所謂地界水火風界以種種門無量差別具足資財饒益養育一切衆生我今亦尔用此四大所合成身以種種門無量差別境界資財當爲衆生之所受用舍利子是菩薩摩訶薩由依般若波羅蜜多觀察是身有如是等大義用故雖觀此身體性是苦而不厭患如是苦身雖觀是身究竟盡性而不厭患流轉受生雖觀是

身其性無我而無耽倦成熟衆生雖觀是身
我寂滅性而不墮彼永捨寂滅雖觀身空無
相遠離而不墮於遠離邊際舍利子是菩薩
摩訶薩於此身法住隨身觀觀察是身無實
無堅又於內身住隨身觀隨內而行於諸煩
惱無復容受又於外身住隨身觀隨外而行

二卷

三卷

於諸煩惱不與共住舍利子是菩薩摩訶薩
成就如是身念住已其身清淨無有染汙具
足一切清淨身業得清淨相莊嚴之身既具
如是莊嚴身故爲諸天人之所歸仰舍利子
是名菩薩摩訶薩修行般若波羅蜜多故於
此身法隨身觀察修習念住復次舍利子善

薩摩訶薩修行般若波羅蜜多時云何於受
隨受觀察修習念住舍利子菩薩摩訶薩作
是思惟諸所有受一切皆苦我今於者具覺
慧力於如是受當善決擇以智決擇以慧決
擇方便決擇是菩薩摩訶薩既具如是勝決
擇力雖受於樂當樂觸時即於一切善道衆

生起大慈心不爲貪欲隨眠所惱雖受於苦
當苦觸時即於一切惡道衆生起大悲心不
爲瞋恚隨眠所惱雖復受諸不苦不樂當觸
受時不爲無明隨眠所惱舍利子是菩薩摩
訶薩由依般若波羅蜜多具足如是觀解力
故隨受而行修習念住所受諸受若苦若樂

不苦不樂善能觀察諸受出離又能令彼一
切衆生證受遍智寂滅之法又作是念此諸
衆生具煩惱故無有智慧不能了知諸受出
離何以故若受樂時便生貪愛若受苦時便
生瞋恚若受不苦不樂便起愚癡而況我輩
諸菩薩等隨智慧行一切所受諸過失法皆

已息滅豈當於受更起煩惱我於今者應具
發起方便善巧及與大悲攝諸衆生令於諸
受皆得息滅舍利子如是菩薩何因緣故說
於諸受而不能隨舍利子謂於諸受智慧簡
擇能引於樂不引於苦舍利子復以何等智
慧簡擇謂是菩薩觀察此中無能受者若我

若有情若命者若數取等於是觀察竟無能受唯有受者有何等受所謂執受攝受取受有得受顛倒受分別受見隨眠受眼想所生受乃至意想所生受色想所生受乃至法想所生受及彼種種眼觸所生受如是廣說若內若外所有諸法乃至諸觸緣所生受若苦若樂不苦不樂如是等相是名爲受復次舍利子諸佛如來分別諸受無量諸門差別之相舍利子如來或時說爲一受所謂一心了別諸境或說二受謂內及外或說三受所謂過去了別未來了別現在了別或說四受所謂地水火風界別或說五受所謂思惟如是五

言

二卷

蘊或說六受所謂分別如是六處或說七受謂七識住或說八受所謂八邪方便之相或說九受所謂九位衆生所居或說十受所謂十善業道等舍利子如是廣說乃至無量一切諸受隨所緣境隨所作意限量分齊有余所受然諸如來說受無量何以故衆生無量

故隨有衆生各具如是無量諸受舍利子如是菩薩摩訶薩云何於受住隨受觀察是菩薩摩訶薩云何於受住隨受觀舍利子謂諸菩薩以清淨智方便善攝一切衆生所有諸受生滅住異及善了知一切衆生善不善等所有受智若諸菩薩如是隨觀是名於受具足觀察舍利子如是名爲菩薩摩訶薩修行般若波羅蜜多故於一切受隨受觀察修習念住復次舍利子菩薩摩訶薩修行般若波羅蜜多時云何於心隨心觀察修習念住舍利子是諸菩薩摩訶薩無有忘念密護防守離諸散亂觀察於心生滅散壞念念不住於內於外不住不轉是名菩薩正觀於心舍利子是菩薩摩訶薩復作是念我憶最初曾所發心如是諸心生已即滅離散變壞不可了知詣何方所又我所有無量諸心積集善根生已即滅離散變壞無有方所又我所有無量心相迴向菩提而心體相不能自了云何此心能作是念我當證覺阿耨多羅三

貌三菩提耶何以故以此心體不能了心不能觀心不能通達於自心故舍利子是菩薩摩訶薩復作是念若菩提心由善根心無有失者則善根心由迴向心無有迷失若迴向心由菩提故無有失者則阿耨多羅三藐三菩提爲無有失是菩薩摩訶薩作是觀已於

言

二卷

無迷失不恐不怖復作是念此緣起法因果不壞雖復是心法性無有自性無有作用無有主宰然此諸法依止因緣而得生起我當隨其所欲積集善根既積集已修相應行終不捨離是心法性復次舍利子菩薩摩訶薩云何此中積集之相舍利子是諸菩薩摩訶薩作如是觀積集之相是心本性猶如幻化無有一法而可施者是心法性而能布施一切衆生迴向積集莊嚴佛土是則名爲善根積集又舍利子是心本性如夢所見其相寂靜是心法性而能積集守護尸羅皆爲迴向神通作用是則名爲善根積集又舍利子是

心本性猶如陽焰究竟盡滅是心法性而能修習一切可樂忍辱之力迴向積集莊嚴菩提是則名爲善根積集又舍利子心本性者如水中月究竟遠離積集之相是心法性而能發起一切正勤迴向成熟無量佛法是則名爲善根積集又舍利子心本性者不可取

得不可覩見是心法性而能修習一切靜慮解脫三摩地三摩鉢底迴向諸佛勝三摩地是則名爲善根積集又舍利子觀此心性本非色相無見無對不可了知是心法性而能修習一切慧句差別說智迴向圓滿諸佛智慧是則名爲善根積集又舍利子心無所緣

無生無起是心法性而能建立無量善法攝受色相如是名爲善根積集又舍利子心無所因亦無所生是心法性而能攝受覺分法因是則名爲善根積集又舍利子心性遠離六種境界亦不生起是心法性而能引發善是境界因所生心是則名爲善根積集舍利

子如是名爲菩薩摩訶薩依般若波羅蜜多故於一切心隨心觀察修習念住後次舍利子是菩薩摩訶薩又依般若波羅蜜多故於一切心住隨心觀爲求證得勝神通故繫縛其心修學通智得神通已但以一心而能善知一切心相既了知已依心自體宣說諸法

舍利子如是住隨心觀菩薩摩訶薩以大悲力制御其心成熟衆生而無厭倦由是菩薩住隨心觀故不爲心盡不爲心滅安住於心但爲令心遠離生死相續結縛而安住心又復以諸心念智力安住諸法無生無起正決定性而不退墮二乘地中又以是力持心相續乃至成滿一切佛法一剎那心相應妙慧覺悟阿耨多羅三藐三菩提如是舍利子是菩薩摩訶薩依般若波羅蜜多於一切心隨心觀察修習念住後次舍利子菩薩摩訶薩修行般若波羅蜜多時云何於法隨法觀察修習念住舍利子是菩薩摩訶薩以聖慧

眼觀見諸法乃至坐於道場於其中間無有迷失是菩薩於一切法住隨法觀不見少法遠離於空遠離無相遠離無願遠離無生遠離無起及以遠離無加行者又重觀察不見少法遠離緣起舍利子是菩薩摩訶薩安住如是隨法觀故不觀於法及以非法此中何

者以之爲法謂無我義是名法義無有情義無命者義無數取趣義如是等義是名爲法復以何等爲非法義所謂我見有情見命者見數取趣見斷見常見有見無有見如是等見是名非法又舍利子舉要而言一切諸法或名爲法或名非法何以故若能了知如是

諸法皆空無相及以無願即一切法並名爲法若有計著我及我所諸見隨眠即一切法普名非法舍利子菩薩摩訶薩依般若波羅蜜多故住隨法觀已不見一法而非佛法而非是佛而非是道而非解脫而非出離者是菩薩摩訶薩了知諸法皆出離已又復獲得

無障大悲觀諸衆生所有煩惱皆從虛假妄
想而生知諸煩惱體性自離何以故是諸煩
惱等趣了義無少煩惱可積可集如是隨覺
即是菩提煩惱之性即菩提性菩薩如是雖
安住念而無所住非憶非忘而能了知念所
安住何以故所安住念即名法界若住法界

利子是名菩薩摩訶薩修行般若波羅蜜多
故於一切法隨法觀察修習念住是則名爲
四種念住善巧之法如是舍利子菩薩摩訶
薩欲得修行般若波羅蜜多者應當修習念
住善巧

大寶積經卷第五十二

官

即住有情界若住有情界即住虛空界由如
是故說此諸法與虛空等舍利子如是住隨
法觀菩薩摩訶薩依趣佛法故信解諸法即
是佛法雖復發起如是盡智而於無爲盡滅
之法能不作證雖復發起無生之智愍諸舍
識而現受生又不捨離無生實際舍利子是

都大勸緣榮祿大夫特加開府儀同三司吳國公

亦思達矣

成竟府烏竟預正竟明丘應三娘捨刊一紙右山
鎮居住信人李成甫叶坐中能長福九姐利施一
板車子折景脫者后山鎮居住者葉里抽淨財
利施一板車保和英清上官長大成人者

釋音

傲速上音反 劍音反 藏音反 惕音反
鐵音反 憶音反 内音反 賀音反 善音反 饋音反 飮音反
二乘音反 諸法音反 雖於一切假立諸法安住於念而
此正念無散無失乃至後際於一切法隨法
觀察修習念住能以無量言說所說不平等
境平等趣入一切佛法能令一切衆生心喜
能摧一切堅固魔軍因是證得自然大智舍